

Fassenacht iss e ernst Oogeleechenheit

Om letzde Sunndaach om Stommdisch hawwe merr iwver de Hondball, iwver Bayern Münche unn iwver die Fassenacht geschwätzt. Unn beim Thema Fassenacht hott de Schorsch mich oogestumpt unn gefroocht: Doo stieht ewe alls was in de Zeidung iwver so Ännerunge beim Fassenachtszuch unn so. Honnes, was hälsden doodefoo?

Bevor ich Ontwort gewwe habb guck ich de Karl oo unn der moont nor: Ich heer zu. Ich heer eich zu was ihr doodezu ze saache habt.

Also guck ich de Schorsch oo unn gebbem Ontwort: Nix.

De Schorsch hott genickt. Doo geht derrs grad wie mir. Ich hall aach nix defoo, dass ...

Dess habb ich nit gesacht.

Du host doch ‚nix‘ gesacht.

Ja, awwer dess heeßt nix.

Ei was heeßden dess?

Dess heeßt, dass ich nix doodriwver redde will.

Ei warum dann nit?

Ich habb merr schunnemol moi Maul verbrennt. Weil die Fassenacht iss e gonz ernst Oogeleechenheit, doo derf merr koo Späßjer driwver mache. Naa, naa, wenn ich was gelernt habb dann habb ich dess gelernt.

Heer doch uff, so schlimm werreds nit soi.

Also wennde mich frooche dust ...

Ich habb dich gefroocht.

... ich hall mich doo eraus.

Awwer guck doch emol, die Traditione ...

Schee Wedder heit.

Unn der neie Beiemooster ...

Ess derft nor nit reechene.

Unn aach de Nannclub ...

Awwer heit Nacht werreds dunkel.

Wenn merr sich vorstellt, dass ...

Ja, wenn merr sich dess vorstellt, ess iss e Katastroph.

Siehsde, dess habb ich aach gemoont, ess iss ...

... weils immer wärmer werdd unn die Eisbärn im Eismeer koo Eis mehr hawwe.

Honnes, was essen heit mett derr los? Sunnst kann merr doch gonz vernünfdisch mett derr redde, warum dann nit iwver die Fassenacht?

Dess stimmt doch gar nit, nodierlich konnsde mett merr iwver die Fassenacht redde. In Meenz zum Beispiel ...

Ich redd nit von Meenz, ich redd von Flerschem ...

... odder aach in Köln ...

De Schorsch hott zuerst mich unn dann de Karl oogeguckt, unn als de Karl nor mett de Achsele gezuckt hott, sacht de Schorsch zu mir: Honnes, jetz saach ich gar nix mehr.

Doo habb ich de Schorsch oogestumpt unn gesacht: Siehsde, Schorsch, jetz sinn merr uns widder oonich.

Unn de Karl hott gonz laut gerufe: Hall die Gail!

Eiern Honnes